

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) na prijedlog Ministarstva za pravosuđe i upravu, Vlada Zeničko-dobojskog kantona, na 38. sjednici, održanoj dana 02.08.2024. godine, d o n o s i

ZAKLJUČAK

I.

Prihvata se Mišljenje Ministarstva za pravosuđe i upravu, broj: 06-02-2-4060-1/24 od 25.07.2024. godine, dato po Inicijativi Sanje Renić, poslanice u Skupštini Zeničko-dobojskog kantona, za donošenje Zakona o državnoj službi u Zeničko-dobojskom kantonu.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/24
Datum, 02.08.2024. godine
Zenica

PREMIJER
po ovlaštenju

Jasmin Čajić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Broj: 06-02-2-4060-1/24
Datum, 25.07.2024. godine

ZENIČKO-DOBOJSKI KANTON
URED PREMIJERA ZENIČKO-DOBOJSKOG KANTONA
N/R PREMIJERA ZENIČKO-DOBOJSKOG KANTONA

STRUČNA SLUŽBA VLADE ZENIČKO-DOBOJSKOG KANTONA
N/R SEKRETARA

PREDMET: Mišljenje na poslaničku Inicijativu Sanje Renić, poslanice u Skupštini
Zeničko-dobojskog kantona za donošenje Zakona o državnoj službi
u Zeničko-dobojskom kantonu - dostavlja se;

Ministarstvu za pravosuđe i upravu Zeničko-dobojskog kantona (u daljem tekstu: Ministarstvo), Stručna služba Vlade Zeničko-dobojskog kantona je aktom broj: 02-1-02-3505-1/24 od 23.02.2024. godine, dostavila akt Stručne službe Skupštine, broj: 01-02-3505/24 od 22.02.2024. godine Inicijativu Sanje Renić, poslanice u Skupštini Zeničko-dobojskog kantona, za donošenje Zakona o državnoj službi u Zeničko-dobojskom kantonu.

U vezi predmetne inicijative daje se sljedeće izjašnjenje:

Poslanica u Skupštini Zeničko-dobojskog kantona je shodno odredbama člana 111. a u vezi sa članom 89. Poslovnika o radu Skupštine, podnijela Inicijativu za donošenje Zakona o državnoj službi u Zeničko-dobojskom kantonu, obrazlažući je potrebom usklađivanja predmetnog Zakona sa presudom Ustavnog suda Federacije Bosne i Hercegovine broj: U-27/09 ("Službene novine Federacije BiH", broj: 34/10).

Također, kako navodi predlagač Inicijative, Skupština Zeničko-dobojskog kantona, nije donijela zakon kojim se uređuje radno-pravni status, plaće i naknade državnih službenika u organima uprave i upravnim organizacijama, te se u navedenim organima primjenjuje federalni propis.

U dijelu Obrazloženja Inicijative kojim se navodi da plaće i naknade državnih službenika i namještenika nisu uređene kantonalnim zakonom odnosno podzakonskim aktima, Ministarstvo napominje da je na snazi Zakon o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19 i 11/19-ispr., 8/22 i 4/24), čijim članom 1. je utvrđeno da se istim uređuju plaće i naknade izabranog dužnosnika, Nosioca izvršne funkcije i savjetnika u organu zakonodavne i izvršne vlasti Zeničko-dobojskog kantona, Kantonalnom pravobraniocu, zamjeniku kantonalnog pravobranioca, državnom službeniku i namješteniku u organima državne službe Kantona, iz čega prozilazi da se na državne službenike i namještenike ne primjenjuju federalni propisi, obzirom da su prava i obaveze državnih službenika i namještenika utvrđene propisom koje je donijela Skupština Zeničko-dobojskog kantona, uz podzakonske propise koji su doneseni od strane Vlade Zeničko-dobojskog kantona, na osnovu ovlaštenja odnosno odredbi predmetnog Zakona.

U pogledu donošenja Zakona o državnoj službi u Zeničko-dobojskom kantonu, napominjemo da je Skupština Zeničko-dobojskog kantona, na svojoj 41. sjednici održanoj 29.12.2021. godine, donijela Odluku o zajedničkom ostvarivanju nadležnosti s Federacijom Bosne i Hercegovine u okviru sveukupne reforme javne uprave ("Službene novine Zeničko-dobojskog kantona", broj: 1/22), čijim članom 1. je Zeničko-dobojski kanton izrazio opredjeljenje o zajedničkom ostvarivanju nadležnosti sa Federacijom Bosne i Hercegovine u okviru sveukupne reforme javne uprave, kao i opredjeljenje za donošenje jedinstvenog Zakona o državnoj službi na cijeloj teritoriji Federacije Bosne i Hercegovine i Zakona o namještenicima na cijeloj teritoriji Federacije Bosne i Hercegovine.

Uzimajući u obzir da je članom III. 2. utvrđena zajednička nadležnost federalnih vlasti i kantona, u koju, između ostalih, spada i socijalna politika, a što je potvrđeno i Presudom Ustavnog suda Federacije Bosne i Hercegovine broj: U-27/09 ("Službene novine Federacije BiH", broj: 34/10), a da je članom III. 3. stav (1) i (2) utvrđeno da nadležnosti utvrđene članom III. 2., u skladu sa potrebama, mogu biti ostvarivane zajednički ili odvojeno, ili od strane kantona koordinirano od federalne vlasti, a da se u pogledu ovih nadležnosti kantoni i federalna vlast dogovaraju na trajnoj osnovi.

Imajući u vidu sve naprijed navedeno, Ministarstvo za pravosuđe i upravu, uvažavajući podnesenu Inicijativu i razloge za podnošenje iste, shodno odredbama Ustava Federacije Bosne i Hercegovine i Odluke Skupštine o zajedničkom ostvarivanju nadležnosti s Federacijom Bosne i Hercegovine u okviru sveukupne reforme javne uprave, cijeni da ista u ovom trenutku nije prihvatljiva.

Dostaviti:

1x Naslovu,

1x a/a.



MINISTAR

Nebojša Nikolić